

Kunnskapsdepartementet
Postboks 8119 Dep
0032 Oslo



Ølen, 2. januar 2008

Merknader til høyringsnotat om endringar av barnehageloven.

Rammefinansiering

Regjeringa foreslår å fjerna det statlege øyremerka tilskotet til barnehagar, og innlemma dette i rammefinansiering til kommunane. Dette meiner me vil ha negativ innverknad på dei ikkje-kommunale barnehagane.

Dette fordi:

- Alle barnehagar må sikrast god kvalitet gjennom forutsigbare inntekter.
- Regjeringa sitt forslag vil føre til ei usikker framtid for oss private barnehagar. Me kan lett bli offer for kommunepolitikken sin uforutsigbarhet.
- Tilfeldig kommunal behandling kan lett føre til ulik behandling av barnehagane.

Situasjonen i vår barnehage:

Ølensjøen barnehage starta opp i 2004. Ølen kommune (nå Vindafjord kommune) var då klare på at dei ikkje ønskte å gi kommunalt tilskot til drift av vår private barnehage. (Presisert i avtale pr. sept 2003) Lovendring gjorde likevel at kommunen måtte vurdere dette på nytt, og gi oss tilskot.

I dei tre åra me har vore i drift, har tilskotet variert svært i storleik. Beløpet har ikkje vore klart før i andre halvdel av driftsåret, og dette har sjølvstgjort at inntektsgrunnlaget vårt har vore svært uklart.

Når kommunen pr. i dag slit såpass med utrekning av tilskot, gjer det oss bekymra over korleis kommunen utifrå eigne vurderingar skal kunne utmåla tilskotet til dei ikkje-kommunale barnehagane. For å kunna bevare og vidareutvikla kvaliteten for barn, foreldre og tilsette, må me vita kva inntektsgrunnlag me har til ei kvar tid.

Likebehandling:

Det er eit krav at kommunale og ikkje-kommunale barnehagar blir økonomisk likebehandla. Målet med full barnehagedekking må vera total likebehandling mellom alle barnehagar. Energien bør liggje i å utvikla dei aller beste barnehagane, slik at Noreg blir på topp kvalitetsmessig. Ikkje bruke krefter på ein ny kamp om inntektene.

Rett til barnehageplass:

Me støttar forslaget om "rett til barnehageplass", men det er viktig at det då følgjer med pengar til ledige plassar.

Me ber om at det fortsatt blir statlig øyremerka driftstilskot, og at finansieringssystemet må vera forutsigbart og kunna etterprøvast.

Med helsing
Ølensjøen barnehage as


Jenny Haugland Gundersen
Dagleg leiar